



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

Caput III. Excommunicatione gladio temere non utendum: ubi executio
realis, aut personalis fieri potest, a censuris abstinendum. iisque civili
Magistratui se immiscere nefas esto.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

„universitates immediate summi Ro-
 „mani Pontificis protectioni, & visita-
 „tioni sunt subjectæ, has sua Beatitudo
 „per ejus Delegatos eadem, qua supra
 „ratione, & prout ei utilius visum fue-
 „rit, salubriter visitari, & reformari
 „curabit. „

Sæcul. XVI.
 A.C. 1563.

Juxta hoc decretum confestim fuit
 fancitum, edendam esse Bullam, qua
 omnibus Universitatum Professoribus
 præciperetur, ut Catholicæ fidei Pro-
 fessionem intra tempus per Bullam præ-
 scriptum emitterent, illi vero, qui ad
 Doctoratus lauream aspirarent, tan-
 quam Doctores non reciperentur, nisi
 prius eandem Professionem ediderint:
 cuncta tamen gratis fiant.

§. LXXV.

De excommunicationis usu.

C A P U T III.

*Excommunicationis gladio temere non uten-
 dum: ubi executio realis, aut personalis
 fieri potest, a censuris abstinendum, iisque
 civili Magistratui se immiscere ne-
 fas esto.*

„Quamvis excommunicationis gladius
 „nervus sit Ecclesiasticæ disci-
 „plinæ, & ad continendos in officio po-
 „pulos valde salutaris: sobrie tamen,
 „magnaque circumspectione exercen-

I 3

„dus

Sæcul. XVI
A.C. 1563.

„dus est, cum experientia doceat, si
 „temere, aut levibus ex rebus incutia-
 „tur, magis contemni, quam formi-
 „dari, & perniciem potius parari, quam
 „salutem: quapropter excommunicatio-
 „nes illæ, quæ monitionibus præmissis,
 „ad finem revelationis, ut ajunt, aut
 „pro deperditis, seu subtractis rebus
 „ferri solent, a nemine prorsus, præ-
 „terquam ab Episcopo decernantur, &
 „tunc non alias, quam ex re non vul-
 „gari, causaque diligenter, ac magna
 „maturitate per Episcopum examinata,
 „quæ ejus animum moveat, nec ad
 „eas concedendas cujusvis sæcularis
 „etiam magistratus auctoritate adduca-
 „tur, sed totum hoc in ejus arbitrio,
 „& conscientia sit positum, quando ipse
 „pro re, loco, persona, aut tempore,
 „eas decernendas esse judicaverit: in
 „caussis vero judicialibus mandatur om-
 „nibus iudicibus Ecclesiasticis, cujus-
 „cunque dignitatis existant, ut, quan-
 „docunque executio realis, vel perso-
 „nalis in qualibet parte iudicii propria
 „auctoritate ab ipsis fieri poterit, ab-
 „stineant se, tam in procedendo, quam
 „definiendo a censuris Ecclesiasticis,
 „seu interdicto, sed liceat eis, si ex-
 „pedire videbitur, in causis civilibus,
 „ad forum Ecclesiasticum quomodolibet
 „pertinentibus, contra quoscunque, e-
 „tiam

„tiam laicos, per multas pecuniarias, S. æcul. XVI.
 „quæ locis piis, ibi existentibus, eo A. C. 1563.
 „ipso, quod exactæ fuerint, assignen-
 „tur, seu per captionem pignorum,
 „personarumque distractionem, per suos
 „proprios, aut alienos executores fa-
 „ciendam, sive etiam per privationem
 „beneficiorum, aliaque juris remedia
 „procedere, & causas definire: quod si
 „executio realis, vel personalis adver-
 „sus reos hac ratione fieri non poterit,
 „sitque erga iudicem contumacia; tunc
 „eos etiam anathematis mucrone ar-
 „bitrio suo, præter alias pœnas, fe-
 „rire poterit: in causis quoque crimi-
 „nalibus, ubi executio realis, vel per-
 „sonalis, ut supra, fieri poterit, erit
 „a censuris abstinendum; sed si dictæ
 „executioni facile locus esse non possit,
 „licebit iudici hoc spirituali gladio in-
 „delinquentes uti, si tamen delicti qua-
 „litas, præcedente bina saltem moni-
 „tione, etiam per edictum, id postulet.
 „nefas autem sit sæculari cuilibet Ma-
 „gistratui prohibere Ecclesiastico iudici,
 „ne quem excommunicet, aut man-
 „dare, ut latam excommunicationem
 „revocet, sub prætextu, quod contenta
 „in præsentis decreto non sint observata;
 „cum non ad sæculares, sed ad Eccle-
 „siasticos hæc cognitio pertineat: ex-
 „communicatus vero quicumque, si post
 „legi-

Sæcul. XVI. „legitimas monitiones non resipuerit,
 A C 1563. „non solum ad Sacramenta, & com-
 „munionem fidelium, ac familiaritatem
 „non recipiatur, sed si obdurato animo
 „cenfuris annexus in illis per annum
 „inforduerit, etiam contra eum, tan-
 „quam de hæresi suspectum, procedi
 „possit.

§. LXXVI.

De reductione Missarum.

CAPUT IV.

*Ubi nimius est Missarum faciendarum nu-
 merus, statuunt Episcopi, Abbates, &
 Generales ordinum, quod expe-
 dire judicaverint.*

„Contingit sæpe in quibusdam Eccle-
 „siis, vel tam magnum Missarum
 „celebrandarum numerum ex variis
 „defunctorum relictis impositum esse,
 „ut illis pro singulis diebus a testatori-
 „bus præscriptis nequeat satisfieri, vel
 „elemosynam hujusmodi pro illis ce-
 „lebrandis adeo tenuem esse, ut non
 „facile inveniatur, qui velit huic se-
 „muneri subicere, unde depereunt piæ
 „testantium voluntates, & eorum con-
 „scientias, ad quos prædicta spectant,
 „onerandi occasio datur. Sancta Sy-
 „nodus, cupiens hæc ad pios usus re-
 „licta, quo plenius, & utilius potest,
 „impleri, facultatem dat Episcopis, ut
 „in